

中國地方志集成

四川府縣志輯 (59)

光緒岳池縣志

民國新修武勝縣志

乾隆直隸達州志

巴蜀書社 ● 江蘇古籍出版社 ● 上海書店

中國地方志集成

四川府縣志輯 ⑤⑨

出版 巴蜀書社

(成都鹽道街三號)

印刷 成都東方福利彩印廠

發行 四川省
新華書店

(川)新登字〇〇八號

責任編輯 施維

封面設計 范一辛

1992年8月第1版 1992年8月第1次印刷

ISBN7-80523-478-7/K·96

續修縣志序

志猶史也亦異乎史史善惡並
書以示彰瘡以資勸懲志則紀
善而不紀惡將毋倚於一偏耶
然使瀆志而人胥用勸固不必
紀惡而自無不懲且無惡可紀

卷之六

序

一

而何待於懲孟子曰庶民興斯
無邪惡理固然也志之闕於風
俗人心不其重哉予以同治甲
戌春來權茲邑檢閱縣志係前
令白君詩橋繼黃董兩公後增修
之本自天文以至外紀分類四十

卷之六

序

二

正卷至詳且盡惟體例殊不
嚴收錄遂多旁及雖善者無妨
從長而義不闕乎一邑者究宜
分別刪除迨咸豐十年以來滇
氛竄擾邑人抗節捐生者甚
衆呂君柳村署任時僅據耳目
所及得姓氏若干附入志末原
書並無增損罹害者亦尚多闕
遺尤宜及今採補特以莅事日
淺不得不姑作緩圖是歲秋
大府議修省志通行各州縣飭
取事實予奉檄後集紳耆

訪以首詳呈因并商及續修志乘衆論題之乃延吳讓衆孝廉陳惺菴民部暨二三同志或任振修或任協纂或司採訪或司校讐凡原本之盡善而可因者並仍其舊其不可因者酌加損益至殉賊難及守節之年例已存而未詳報者周諮靡遺罔不首載甫脫稿予適已及瓜期不獲目覩成書然剞劂印訂旦晚間事耳惟冀乞人士讀之而知善可以傳由是觀感奮興父

論其子兄勉其弟相率於仁讓於義忠孝廉節之中爭自濯磨以期流芳而并之為後來者勸是則予續修之意也夫
光緒紀元春正月

山陰何其泰并書



岳池縣志序

史以合紀一代之政志以分紀一方之事士君子學古入官出宰百里凡民生休戚風俗純疵皆當引為己任而黽勉從事者也至若徵文考獻搜前代之遺踪勒為成書用紀一方之事亦有司所宜究心非可諉為異人任者特是志書之作成於衆人之耳目易而成於一人之耳目難成於有可憑籍之日易而成於無可措手之時難是非篤志慕古旁搜廣覽未易操觚率爾也今年春余奉

岳池縣志

原序

五

命來巡川北竊以嘉陵勝概甲於西蜀必有可以光史冊而被絃歌者在焉越數月即行部諸郡邑觀風問俗之下一時僚屬大率皆能勵廉隅勤教化斤斤以民生風俗為己任至考其今古之異宜制度之沿革與夫文物聲名之隆替則文獻無徵闕畧未備者有之迨至岳邑令黃君克顯手執一冊謁余曰此某新修縣志也縣為前代甲邑緣前明兵燹後縣志無所攷某留心採訪見邑中殘碑斷碣即披榛莽除苔蘚躬閱手抄不憚勞勩自宋迄明

得名宦仕進科甲若干人文藝若干首皆省志

志所未載某分別類次校閱纂修四惡寒暑而始成敢丐弁言用光志乘余披閱之下見其序事也簡而賅其記述也詳而核其所載人物藝林則又皆班班可考足以風頑懦而昭勸懲非傳會穿鑿者比以之信令傳後所助於民生風俗良非細故矣夫前事之不忘後事之師也余職任監司風化攸繫朝夕覃思期以上佐

國家乾隆之治諸筮此土者皆如黃君之修明縣志

岳池縣志

原序

六

勉為其難而身任其事將見廢者興缺者補嘉言懿行炳炳烺烺豈惟備史館採葺之用即以厚民生維風俗亦甯外是余實有厚望焉是為序
乾隆丙子歲嘉平月分巡川北兵備道劉益撰

原纂岳池縣志序

將欲使一代之典章文物宏經細目垂之萬世俾咸知法戒非史無由而郡邑之有志乘亦猶是也蓋攷諸古庶可以準乎今崇善良即所以勸匪彝推之政治有隆替風俗有醞滿大者著天象小者見蟲魚鉛槧畢登罔

非前事志之同功於古而有裨於治也夫豈淺鮮我

朝立極以來治化休美比隆三代幅幘之廣臻於無外余自乾隆己巳奉

命來守是邦即思輯修郡志以紀揚

盛治故每歲巡行屬邑必切切諮訪不獨有關民生至計者靳彈一心即石

磧銅魚棠川虹飲古蹟名山未嘗不

因便登臨輪轅若繪歲次壬申江右黃君克顯蒞宰岳池余因按臨及邑視其田疇之易否察其物情之得失已默許其能心乎吾民矣既於晉謁之餘即以纂輯邑志為請蓋即予欲修郡志意也於是力獎其成然而心

竊難之夫岳地勝國以前省入廣州丁明季運寇賊搶攘兵燹仍歲完屋居民僅一十二戶今雖幸逢

聖天子繼上承上廣為招徠休養生息百有餘年向之蕪巢林而人露處者固轉而為家給人足之區矣獨是舉事之難易創因殊績岳邑前無舊志典

籍鮮故府之藏山澤乏播遺之老猥
思創輯談何容易乃今年秋忽以志
稿呈閱余展視之其稽乎古也無傳
會之失采於今也無濫觴之弊秩然
者其序斐然者其文因不禁執卷而
歎回憶黃君壬申之請距今丙子倏
指已四厯星霜其旁蒐遠討心錄口

謗可謂瘁矣昔人云有志者事竟成
又何疑乎是志之足以傳後而與史
有同功哉遂令亟壽諸梓令則剗剗
工竣行將裝潢成帙請一言以弁之
首余既心喜其成且為後之人欲嗣
而黼黻太平者幸得有所因也故
而為之序

乾隆二十一年歲次丙子季冬月知
順慶府事白山雲基學徵甫撰

重修岳池縣志序

原夫一朝紀事史官則左右皆書四方採風行人則大小胥掌文成備考固重

朝章典列參稽宜詳邑志恭惟

聖天子重熙累洽一道同風人報太平十年之書已上世逢康樂一統之志旋

成猶復重沛

絲綸溯流風於江漢盛襄

黼黻稽故事於蜀巴任方伯之權勤纂

修而舉典開錦官之局先採輯而徵

書籍充石室之藏來訪和溪之掌惟

茲岳門分壤池水故封敞陸海以無

塵出中峰而挺秀幅幘百里遙看

暗花明烟火萬家近聽雞鳴犬吠鹿

眠台畔子雲曾記讀書羊跪洞中天

監舊聞棲隱憶傳臚之日第一人己

著蜚聲披入諫之章數千言足呈龜

鑒固已成編久勒令典咸昭矣迄今

幾厯風霜重經兵燹靈泉之遺筆無

考禹山之留詩莫尋然人往風微前

聞雖歸散佚而時移事易後起猶待

搜羅綜而陳焉不啻輶軒之采述而

識也無忘鉛槧之施僕偶託公車適

權邑篆擬河陽之花遍發思東郡之

鳳偕棲訓俗型方藉風聲之傳播徵

文訪獻緣運會之轉移乃奉檄文載

修志乘屬辭比事簡編緣夫舊藏別

類分門程式準乎憲定詳其所有者
誇覽勝之山川境由親歷而得喜還
醕之風俗情本下詢而知益其所無
者戎昭果毅識當年之防禦有功水
渚溪塘知此日之灌輸多利績而成
之者義憤形其激烈潛德悉彰節操
著其堅貞幽光重發更而定之者序

記詩歌雅人自有深致箴銘傳述文
章不無定評其他補闕訂訛亦丁甯
而舉事連篇累牘爰甲比以成書第
其卷且四十四篇序目差備計其言
已一十一萬條例漸增此則往暑來
寒經累年之綜練徵聞考見合諸紳
之校勘所由興物維新文明可觀者

也書成咸謀剞劂遂付棗梨因弁首
而索羣言藉毫末而抒管見願呈合
璧聯珠之象告於文人欲比升嶽浮
海之觀俟以君子

嘉慶壬申仲夏月上澣知岳池縣事
調重慶府巴縣知縣崢山董 淳謨

重修岳池縣志序

岳邑為參井分野實城宿集之門戶也其山川之形勝建置之沿革田賦戶口之多寡以及忠義節烈流寓隱逸向於省垣需次時周覽舊志而得其畧我

國家深仁厚澤覃被遐荒百數十年涵濡紀獲浹於肌膚固已孚虞育夏甄殷陶周矣川吐自教匪肆擾以來民多凋敝迨乎大功戡定休養生息元氣漸舒昔之水火今皆衽席也昔之烽燧今皆桑麻

岳池縣志

舊序

十五

也十六年夏大憲會議念典章之宜備恐廢墜而無稽

奏准開局重修揀賁纂校通飭各屬分門別類無濫無遺於是府廳州縣莫不樂觀盛典踴躍爭先旁諏故老博采遺編不期年而次第成書蔚為掌故用以昭版圖之廓而揚無外之規斯亦官斯土者之與有榮施也余於癸酉三月朔來宰是邦適董君樸園調篆渝城出其所輯縣志囑余歲事披其圖繹其義彈見洽聞條分縷晰其未成者不過十之

一踵而輯之厥功甚易自是而達之於

朝垂之於後較諸昔所閱者其為詳畧繁簡采風者必有以辨之也余風塵碌碌固陋無文不敢掠革君之美而令董君之苦心湮沒不傳也爰述其顛末而為之序

嘉慶昭陽作噩皋月

縣進士出身知四川岳池縣事津門陶運猷撰

岳池縣志

舊序

十六

增修岳池縣志序

自歷代一統志作寰宇之大開卷瞭然煌々乎巨觀也外此典冊林立如陳承祚常道將張次功楊升菴諸人或稱記或稱志或稱鑑或稱棹杙名不同要皆令全冒言之至彈丸黑

子之邦則不必盡有專乘杞宋無徵著述良難古今所同慨也幸而前承襲後有依據司牧者顧日擾攘於簿書鞅掌間任其放佚散失漸就淪滅心竊惡焉最爾岳邑初置於唐滕國以前紀載闕如嘉慶初重經

兵燹簡斷縻跡存者無幾歲癸酉嶧山董方伯存權是邑爰取舊志重修之自天地山川以迄藝文雜記凡可以維持風教矜式閭閻者採擇殆備適因調署渝城未即嚴事旋得門陶公棲篆克繼其美付諸剞劂而

是書適覩厥成間嘗披閱再三見其有倫有要無濫無遺殆與程篁墩之新安文獻康對山之武功縣志未易軒輊余承之于茲五年矣愧無鴻文麗藻固色太平又鮮美政善教濡染閭里第念邑志又幾四十年未修矣

計此四十年中戶口日益繁田土日
益闢禮制日益詳官司日益更文物
聲名日益盛忠孝節義日益隆及今
弗克傳述伊誰之咎歟爰進都人士
相与緝閱簡牘搜剔幽隱遺者登之
闕者補之訛者正之新者增之俾讀

是書者得考證之實識典章之鉅益
以見興廢舉墜鼓吹休明沐浴乎

聖澤者至優且渥斯乃余修志之志也夫

另謂弼中彪外斬與升彛諸公埒則
非余所敢望也抑余兄有感為董陶
去今遠矣其所未及者余既從而補

之增之矣迨傳之又久書不勝者凡
百與余同志者又安知不以此志為尚
堪者補而拾余為董陶耶後之視今
亦猶今之視昔古人信不余欺也書
成用弁數語以為繼此宰是邑者望
道光三十年歲次庚戌暮春既望日

序

潞河白汝衡并書

岳池縣志序

余自庚戌夏五權篆斯邑一入境見其民風質樸物象熙恬駸之乎有太古之遺風心竊喜之暇日取縣志詳加簡閱凡災祥之驗武備之修疆域之廣狹山川之險易以及藝苑名流逸士畸人無不瞭

如指掌而究其縣志之作則始於乾隆初前宰黃公迨嘉慶年未董公重修核其落成則作此疎美於陶公焉余亦未悉其底蘊也今茲岳邑增貢生樂溪劉泮於接見時從容謂余曰前任董公重修志書自辛未首夏

設局至壬申嘉平月書成

一切採擇博訪費煞苦心厥後付之梨棗及兩載局費概係董公捐廉而次年此志即有調任巴縣之信甫及落成陶公蒞任遂加序而印刷焉此皆泮所親見泮不忍沒前人之善用

敢直陳而乞序於余之喟然曰此亦古人所謂潛發幽光也今董公往矣劉生豈阿其所好哉故德之以紀董公之始終其事固非後人之所得而掠美也是為序

光豐元年歲次辛亥孟冬月

中幹署岳池縣事毘陵蘭谷
氏劉鈞貽謹識

岳池縣志序

余東魯之人也嘗北至燕趙南至
滇黔西至秦晉足跡徧塵寰欲
求一山川雄厚風俗淳良之區十不
一遇焉夫天下幅員廣矣豈無有
并此二難者然而大邑通都或既

至而不加察陋鄉僻壤或未至而
不与聞故半世遨遊萬里望涉轉
而思之某郡某邑實愜余懷蓋六
莢之乎至羅之甲子之秋攝篆岳
邑之西全隴之山環繞而拱抱邑
之東大江之水奔流而洄旋山川既

奇風俗亦異其君子敦詩書而說
禮樂其小人安耕鑿而樂農桑豈
其居地之獨偏耶抑得天之獨厚
也何余之所至獨於斯邑無不愜
於懷也然天下名山大川未入廣
輿之志流風善俗不登太史之書使

記載未全技羅弓缺必一晦一壑之
秀一亭一木之奇不見闕於四方猶
可說也竊友名臣巨儒烈士義猗
大節同天地不朽奇行與日月爭
光苟聽其沈湮而不問埋沒而弗
彰其為世道人心之憂不豫矣

嗚呼是誰之責與岳邑多賢士大夫而
朝廷之休養生息又二百餘年矣四民
安業百穀用成庶務畢曠諸廢俱
興故其於志書也或七八年而一修或
數十年而一修微徧山川風俗無一
不載之備而空之詳下至鳥獸蟲魚

之名道路壇墀之地待人之歌詠學
士之文章亦皆旁搜而遠紹條分而
縷析使一邑之人抱狹守閭章文
獻之旨微悉懦庵頑賴典故之具
左其有功能於世道人心也雖淺鮮矣
岳邑洵大邑人在也余下車之始

適厥書告成爰弁數言以誌公好

後之覽者將毋謂斯文言之過也

乎哉

同治甲子七月既望知岳池縣事

渤海杜受康撰



凡例

一邑志始纂於乾隆丙子再輯於嘉慶壬申經前

黃董兩公先後其事董公修志時會 督憲奏修

通志頒有定式故謂無庸發凡起例今既數加修

輯又復續爲增訂自應先將梗概揭明以啟端緒

因遵一統志體臚列條例如左

一舊志立體爲卷四十有奇間有參差倒置之處茲

則綱總十六卷凡二十內晰祀典人物各二藝文

岳池縣志

卷首

凡例

各三以均帙軸其目亦仍舊而以類相附覺序次
之先後意義亦頗貫串較便查閱

一舊志每彙之前曾無小序在先哲意重記事無取
繁文茲經歷加修輯因類見義未可先事無文增

弁小序於各彙之首俾事有所發端蓋本通志暨
各郡縣志體非炫弄筆墨也

一志中恭紀

宸章舊載藝文志上殊乖體例今依通志尊刊卷首以

昭敬慎惟